

DECRETO DO SR. ALCALDE – PRESIDENTE
D. CLAUDIO MELQUIADES GARRIDO MARTÍNEZ

Dada a situación de emerxencia sanitaria provocada pola evolución epidemiolóxica do coronavirus COVID-19, declarada pandemia internacional pola Organización Mundial da Saúde o pasado 11 de marzo de 2020, o Goberno de España, a medio do Real Decreto 463/2020, de 14 de marzo, declarou o Estado de Alarma, amparándose no disposto no artigo 4º, apartados b) y d) da Lei Orgánica 4/1981, de 1 de xuño, en consoancia coas facultades atribuídas polo artigo 116.2 da Constitución.

Á vista de tal situación, polo Goberno español ditáronse diversas medidas, en tódolos ámbitos, imprescindibles para facer fronte á situación que estamos a vivir no noso país, tales como a suspensión da apertura ao público de locais e establecementos minoristas, museos, arquivos, bibliotecas, locais e establecementos nos que se desenvolven espectáculos públicos, actividades deportivas e de ocio ou actividades de hostalería e restauración.

No momento actual, España iniciou un proceso de redución gradual das medidas extraordinarias de restrición da mobilidade e do contacto social establecidas mediante o citado Real Decreto 463/2020, de o 14 de marzo. Así, o pasado 28 de abril de 2020 o Consello de Ministros adoptou o Plan para a transición cara a unha nova normalidade que establece os principais parámetros e instrumentos para a consecución da normalidade. Este proceso articulado en catro fases, fase 0 a fase 3, será gradual e adaptable aos cambios de orientación necesarios en función da evolución dos datos epidemiolóxicos e do impacto das medidas adoptadas.

Así, en data 9 de maio de 2020 foi aprobada a Orde SND/399/2020, do Ministerio de Sanidade, pola que se flexibilizan determinadas restricións de ámbito nacional, establecidas trala declaración do estado de alarma en aplicación da fase 1 do Plan para a transición hacia unha nova normalidade, e na que se determinan as condicións para a reapertura ao público e o desenvolvemento das actividades de establecementos e locais comerciais minoristas e de prestación de servizos asimiliados, así como das de hostalería e restauración.



En concreto, no seu artigo 14 establécense unha serie de medidas en materia de aforo para os establecementos e locais abertos ao público e no Capítulo IV se regulan as condicións para a reapertura ao público de terrazas dos establecementos de hostalería e restauración. Así, en virtude do seu artigo 15 queda autorizada a reapertura ao público das terrazas dos establecementos de hostalería e restauración limitándose ao cincuenta por cento das mesas permitidas no ano inmediatamente anterior en base á correspondente licenza municipal, debendo en todo caso asegurarse que se mantén a debida distancia física de polo menos dous metros entre as mesas ou, no seu caso, agrupacións de mesas, e no caso de que o establecemento de hostalería e restauración obtivese o permiso do Concello para incrementar a superficie destinada á terraza, poderanse incrementar o número de mesas previsto, respectando, en todo caso, a proporción do cincuenta por cento entre mesas e superficie dispoñible e levando a cabo un incremento proporcional do espazo peonil no mesmo tramo da vía pública no que se sitúe a terraza.

En clara mostra de apoio á reactivación da economía local a través da imprescindible aportación do sector da hostalería, mediante a ampliación de espazos destinados a terrazas para garantir as distancias recomendadas e suplir a redución do aforo no interior dos locais, este goberno local está disposto a sacrificar outros intereses e conceptos sociais, xurídicos e orzamentarios, en aras da reactivación económica e de apoio ao sector comercial de Sarria, entendendo que este sacrificio será en todo caso provisional e durará o tempo que dure o estado de alarma e ata a estabilización da situación económica xeral. As resolucións adoptadas neste decreto haberán de entenderse, pois, como medidas excepcionais, promovidas coa intención de favorecer e impulsar a economía local, sen que caiba a consideración da obtención de dereitos adquiridos derivados delas.

A estes efectos, e co obxecto de facilitar o cumprimento da Orde SND/399/2020 e axilizar e favorecer a recuperación económica no noso Concello, visto o disposto no artigo 21.1.m) da Lei 7/1985, de 2 de abril, reguladora das bases do réxime local, artigo 61.1.k) da Lei 5/1997, de 22 de xullo, reguladora da administración local de Galicia, e demais disposicións concordantes de aplicación, o Alcalde é o Presidente da Corporación e ostenta, entre outras, a atribución de adoptar persoalmente, e baixo a súa responsabilidade, en caso de catástrofe ou de infortunios públicos ou grave risco de que estes se produzan, as medidas necesarias e adecuadas dando conta inmediata ao Pleno da Corporación.



RESOLVO:

PRIMEIRO: Acordar a suspensión excepcional e temporal da aplicación da Ordenanza Municipal Reguladora de terrazas e outras ocupacións do dominio público municipal aprobada polo Concello – Pleno en data 30 de marzo de 2012.

SEGUNDO: Acordar a suspensión excepcional e temporal da aplicación da Ordenanza Fiscal reguladora da taxa por ocupación de terreos de uso público por mesas, sillas e elementos auxiliares con finalidade lucrativa, aprobada polo Concello – Pleno en data 25 de outubro de 2001.

TERCEIRO: Autorizar con carácter excepcional e temporal a ocupación do dominio público coas terrazas vinculadas a establecementos de hostalería que contén coa correspondente autorización para o ano 2019, nas mesmas condicións que cando foran acordadas, exercéndose a actividade coas limitacións que en cada momento se establezan polas distintas Administracións Públicas en canto á porcentaxe de mesas autorizadas que se poidan instalar, ocupación e distancia física entre mesas ou agrupacións de mesas a respectar.

CUARTO: Os titulares dos establecementos de hostalería con título habilitante para o exercicio da actividade non incursos no apartado anterior (sen autorización para a ocupación do dominio público con terraza durante o ano 2019), poderán solicitar, excepcionalmente, a ocupación temporal do dominio público con terraza vinculada á súa actividade de hostalería.

QUINTO. Aprobar os modelos normalizados para a *solicitud de ampliación da autorización para a ocupación temporal do dominio público con terraza vinculada a establecemento de hostalería e para a solicitud de autorización para a ocupación temporal do dominio público con terraza vinculada a establecemento de hostalería*, así como a documentación necesaria para a súa tramitación e Anexos, os que se farán públicos a través da páxina web do concello sarria.es para a súa tramitación telemática a través da sede electrónica do concello sede.sarria.es.



SEXO. As medidas adoptadas neste decreto, de carácter excepcional e temporal, manteranse durante o estado de alarma decretado o 14 de marzo de 2020, e as súas prórrogas, e mentras dure a excepcionalidade xerada pola pandemia do COVID-19.

SÉTIMO. Dar conta inmediata ao Pleno da Corporación.

Así o mandou e asina o Sr. Alcalde – Presidente, de que certifico

(documento asinado dixitalmente á marxe)

